


Escritora Deborah Baarh di bishita na Van Dorp Dakota



DAKOTA - Amor ta un comprension hopi amplio. Na momento cu nos tin cu pordona un otro, ta e ora ey numa nos ta sa, cuanto amor nos tin en berdad pa otro. No tin ningun caminda mas miho pa keda demostra nos amor na otro cu, no ta den nos propio relacion. Den e buki aki mi ta duna algun tips, pa yuda contribui pa haya un relacion duradero. Nunca bo no a sinti cu bo curason a wordo raca for di

bo pecho, I laga un herida tremendo keda atras? Bo sa cu pa haya un 'transplante pa bo curason' tin ora ta dura hopi, hopi largo no? Anto no ta tur ora dokternan tin un curason disponibel pa bo tampoco no! Bo sa kico e cos ey ta haci cu bo? Awel mi ta bisa bo! Si bo ta consciente di esey, anto no a ken abo nada otro cu ta di cuida bo curason cu henter bo alma. Bo ta di acuerdo cu esaki? Un cu bo bira awendia tin famia cu

'curason kibra'. Muhenan cu ta puntra nan mes, ta na unda bo por a bay robes? Yiunan cu tin preguntanan, sin por haya contesta. Relacionnan cu ta sali drasticamente for di balansa. Kico ta pasando? No tin amor duradero mas? Di con parehanan ta crece for di otro, I despues bandona otro, siendo cu nan a priminti otro shelo na casamento? Di con tin tanto traicion? Di con tin cu busca amor pafo di cas?



Esaki ta algun di e preguntanan cu hopi di nos ta puntra nos mes frecuentemente, I cu lo wordo trece dilanti den e paginan binidero aki. Pa haya contesta riba e preguntanan aki, mi a entrevista mas o menos cuarenta pareha di diferente nacion (Antiano, Hulandes, Indones I Africano) cu tabata dispuesto pa duna mi nan opinion sinceramente tocante e topico aki. Di e cuarenta parehanan aki, 30% a admiti cu nan a practica amor pafo di cas, I tambe a duna mi nan splicacion ta di con. Cu nan permiso mi a scoge algun di nan p'ami revela nan historia, I nan sentimentonan na bo den e buki aki. Pa motibo di privacy lo mi no publica nan number, pero lo uza nombrenan ficticio.

P'ami por a haya conocimiento con sentimentonan ta wordo forma, I di con cierto decisionnan ta wordo tuma den cierto relacionnan, mi a bishita entre otro e Internet site

di Dr. Albert Ellis especialista den psicologo. E meta di e buki aki no ta solamente pa haya contesta riba e preguntanan menciona aki, pero tambe e ta pa yuda bo trece e balansa bek den bo relacion., di moda cu bo por disfruta di un relacion sano, stabiel, I duradero. Tambe lo bo bin descubri con pa tene bo amor bibo, I activo. Pero prome cu nos yega asina leu, bo mester ta na altura di algun causanan cu ta forma un obstaculo cu ta stroba bo relacion di bira duradero, I cu ta pone cu bo relacion ta Sali drasticamente for di balansa, pa asina bo por evita nan, pa e bida bira bon balansa, I pa bo haya e satisfaccion necesario den bo relacion.

Sra. Deborah Baarh, lo ta na Van Dorp Book & Office Dakota, Diasabra 11 di December foi 11.00 a.m – 1.00 p.m, Pa asina introduci su buki nobo y firma esaki pa esnan interesa.